



咨

### 大總統咨參議院議決參謀部公債票預算書文

據參謀部總長呈稱竊本部三月分支出概算書中俸給項下係按陸軍部暫行給與令章程僅將現金數目列填前經參議院及財政部審核給發在案惟公債票數目未及聲明亦並未在預算數中扣除似應仍咨財政部照數補發前准財政部覆稱查貴部三月分支出概算書業由本部彙呈大總統轉咨參議院審核在案貴部前送概算書中既漏列公債票一項希即逕行備文呈請大總統轉咨參議院代為補入俟貴部預算經參議院核准後本部當即照發目下預算未定未便先行核發等因似此公債票一項既經財政部呈報在前無從補入僅將三月分公債票預算書列表備文呈請大總統察核轉咨參議院代為補入一并核准以歸劃一等因前來合將參謀部三月分公債票預算書一份咨送貴院請煩查照議決咨覆可也此咨

計送交參謀部三月份公債票預算書一份

### 大總統咨參議院議決袁大總統大赦命令文

據司法部總長伍廷芳呈稱案據江寧地方

審判廳檢察

呈稱三月十七日讀臨時政府公報

電報欄內載有大中華民國元年三月十一日袁大總統命令今國體變更首在蕩滌煩

苛與民更始我國民積受專制官吏之弊失罹罰政多未平陷於囹圄或非其辜當茲民

國初基正宜滌除舊染咸與維新凡自中華民國元年三月初十日以前我民國不幸而

罹於罪者除真正人命及強盜外無論輕罪重罪已發覺未發覺已結正未結正者皆除

免之我國民其自納於軌物懷茲刑辟毋蹈匪彝以保我同胞之身命榮名於無極此令

等因查法律命令効力發生期間前奉規定公布無論遠近各衙門以奉到公報後五日

爲施行期間所有袁大總統此項命令所定範圍是否包括南北一律施行現在北京政

府正在組織之中南京政府又尙存在是否認此命令爲有效本廳所受訴訟三月初十

日以前除真正人命盜犯不在赦免之列已結正未結正者共計五十八人是否應遵袁

大總統此項命令並予除免本廳長等未便擅主相應備文呈請示遵等情到部據此查

南北雖已統一而內閣正在組織南京臨時政府尙未交卸袁大總統此項命令會否咨

由大總統轉發臨時公報飭令南北通體遵照本部未奉明文不敢臆斷相應據情呈請

鈞核以便飭遵施行等情前來查臨時約法第四十條臨時大總統得宣告大赦特赦減刑復權但大赦須經參議院之同意又同法第五十六條本約法自公布之日施行袁總統前項命令查係三月初十日所發布在約法施行之前須得貴院之追認方能有效合就咨請貴院迅賜議決咨覆可也此咨

## 令示

### 大總統令 財政部撥銀一萬元交實業部備賑清淮難民文

據內務部呈稱准實業部咨開頃准江北蔣都督電開前奉大總統來電以江北災情甚重已籌款發交張總長分別辦理現在清淮一帶饑民麇集餓尸載道穢氣散於城郊且恐鬱爲鼠疫當此野無青草之時定有朝不保夕之勢覩死亡之枕藉誠疾首而痛心現雖設有粥廠略濟燃眉無如來者愈多無從阻止粥廠款項不繼勢將停止苟半月內無大宗賑款來浦接濟則饑民死者將過半矣卽有數百千萬之鉅款亦不能重起餓殍於九原令其受賑爲此情急瀝血電陳可否仰求大總統總長俯念災民垂危急救目前於無論何處迅撥款萬金由總長派員經理其事俾饑民得稍緩須臾之死以待夏秋之成

履行不勝迫切待命之至等因到部查江北待賑孔殷自應合力籌濟爲此咨請貴部希查核辦理等因准此查來電量予賑濟之處似尙可行擬請令行財政部勉籌急賑一萬元卽照前次江北賑災辦法由實業總長遴員前往切實散放以蘇民困等因前來查清淮一帶饑民晷集流離死亡相屬於道實堪憫恤除令行江蘇都督另籌撫卹方法協力進行外爲此令仰該部長迅卽撥銀一萬元交由實業部派員前往切實散放以濟災黎而謀善後切切此令

### 大總統令參謀部裁撤大本營名目文

民國統一戰事終息大本營名目應卽取銷所有關防案卷等卽交參謀部存儲以資查考其作戰局職員向係參謀部第一局職員兼任着卽消去兼差仍歸本部辦事至兵站局尙有轉運等事未便卽予撤除應暫由參謀部兼管仍酌裁冗員以節糜費此令

### 大總統令廣東都督酌給昭字全軍將士功牌執照文

頃據粵省昭字全軍統領鄭昭傑呈稱自前年三月號召同志分布黃龍都石龍增城清遠等處所需餉項概由各人擔任并未動支公款反正後復以地方多故仍理舊部分業

各處維持公安今粵局粗定志願引退各軍士亦願解甲歸田惟須商請酌給功牌執照以酬勞瘁等因查該軍將士於粵省反正時既能自籌餉項立功於前途大局平定之後復能不事矜伐解甲引退實屬深明大義殊堪嘉尚所請給予功牌執照一節應即照准以彰酬庸之典至應如何分別等差之處仰該都督會商該軍統領妥爲辦理可也此令

### 大總統批司法部請示袁大總統大赦辦法呈

呈悉查臨時約法第四十條臨時大總統得宣告大赦特赦減刑復權但大赦須經參議院之同意又同法第五十六條本約法自公布之日施行袁總統前項命令查係三月初十日所發布在約法施行之前須得參議院之追認方能有效已咨照參議院候議決咨覆時再行飭遵可也此批

### 大總統批交通部擬酌減報界郵電費辦法並請電告袁大總統呈

呈悉所擬酌減報界郵電費辦法尙屬妥協應即照准仰即令行所屬知照至請電袁大總統轉飭北京郵局帛黎遵辦一節已電告袁大總統矣仰即知照此批

### 教育部批蔣邦彥等請創辦男女法政兩校並撥借校舍呈

呈及簡章均悉該生爲普及法政教育起見剋辦男女法政學校事屬可行所擬簡章亦尙妥適應卽准予立案惟本部專門學校令頒布後一切應按照該令辦理至所請借撥理問廳爲校舍一節仰呈請內務部核准可也此批

### 教育部批金陵法政女學校請予立案呈

呈及章程均悉所訂簡章殊屬不合仰卽按照簽批重行妥定具報再請立案可也章程發還此批

## 紀事

### 大總統爲減輕報界郵費致袁大總統電文

北京袁大總統鑒前據上海日報公會呈陳軍興以後困難情形請減輕郵電費前來查報紙代表輿論監督社會厥功甚巨此次民國開創南北統一尤賴報界同心協力竭誠贊助所稱困難情形自屬實況若不設法維持勢將相繼歇業當將原呈發交交通部核辦茲據呈覆擬嗣後凡關於報界之電費悉照現時價目減輕四分之一郵費減輕二分之一庶商困得以稍疎而郵電兩政亦不致大受影響除電費一項令行上海電報總局

知照外郵費一項懇電袁大總統轉飭北京郵電總局帛黎遵照等情相應電請查照轉飭遵辦並見覆爲盼孫文

### 大總統覆佛教會函

敬復者頃讀公函暨佛教會大綱及其餘二件均悉貴會揭宏通佛教提振戒乘融攝世間出世間一切善法甄擇進行以求世界永久之和平及衆生完全之幸福爲宗旨道衰久矣得諸君子闡微索隱補弊救偏旣暢宗風亦裨世道曷勝瞻仰讚嘆近世各國政教之分甚嚴在教徒苦心修持絕不干與政治而在國家盡力保護不稍吝惜此種美風最可效法民國約法第五條載明中華民國人民一律平等無種族階級宗教之區別第二條第七項載明人民有信教之自由條文雖簡而含義甚宏是貴會所要求者盡爲約法所容許凡承乏公僕者皆當力體斯旨一律奉行此文所敢明告者所有貴會大綱已交教育會存案要求條件亦一併附發復問道安孫文



雜報

陸軍部三月份支出概算總表


		科目		概算		額說		明	
款	目	概	算	額	說	明			
第一款	陸軍本部費	現金 公債	二七九五三 三八七五	〇〇 〇〇					
第二款	陸軍額給費	現金 公債	一九八五四 九三 一一九八三 九	〇〇 〇〇					
第三款	服裝費		一八〇七九六〇	〇〇					
第四款	馬匹費		二二三〇〇〇	〇〇					
第五款	軍械彈藥費		二九〇一四五三	八〇					
第六款	軍需雜用費		九〇〇〇	〇〇					
第七款	衛生費	現金 公債	三一六四七 五〇五	〇八二 〇〇					



第八款	教育費	現金 公債	七四八四三 二四二七	〇〇 〇〇
第九款	要塞費	現金 公債	五七八一 八三九	〇〇 〇〇
第十款	修繕費		六〇七六五	〇〇
第十一款	郵費		二六五一七〇	〇〇
第十二款	糖費		八〇〇〇	〇〇
第十三款	津貼費		四五二五七六	〇〇
第十四款	協助各省軍隊費		九五〇〇〇〇	〇〇
第十五款	預備費		一〇〇〇〇〇	〇〇
總計	現金		八九五四六八〇	六二
備計	公債		一二七四八四	〇〇
考	以上十五款均另有項目并明細概算書以備查考			

正誤

三月二十四日第四十七號報令示門內第三條「大總統令教育部查照佛教會李翊灼等函請保護即予批准立案文」題目又文內「仰即查照批准立案」句兩批准字均手民誤爲排入合行更正



# 臨時政府公報

# 附錄

中華民國元年三月二十七日 星期三

隨報附出 不另徵費

## 電報

孫大總統黃陸軍總長參議院黎副總統各報館鈞鑒鵬翮疊奉黎副總統諭報東三省同志又奉孫大總統面諭聽候關外藍都督調遣承藍都督委任鵬翮爲關外義勇軍總司令永和爲統制任事以來聯絡同志幾遍東三省正擬約期大舉一旦光復適共和宣布迭奉黃總長通飭南北一家不得再有爭戰鵬翮等凜遵命令潛伏不動乃趙爾巽張作霖猶在鉄嶺開原等處仍以兵力驅逐民軍殘殺同志哈爾濱道李家鰲陸軍統領□品三殺我同志梁漢等十七人斷肢挖心慘無人道陽奉共和陰逞殘殺而我軍進則有碍共和退則爲兵所阻惟有散布各處以山林爲穴草根爲糧困苦情形不堪言狀其家產盡絕逃來烟台避難者不下數千人永和在庚子年統兵數萬橫行東三省舊政府官吏餌我爵祿始終却之此次出山實感藍都督之知遇冀爲民國盡心力招集舊部已至

萬人張作霖等後進小輩摧之甚易徒以五色旗懸有碍進行不啻明季燕王砲擊濟南城鉄鉉懸明太祖神主以退敵致使我軍公憤私仇均無所洩對旗痛哭可謂傷心永年逾七旬又有何求惟軍士等皆同藍都督以求復仇今聞藍都督辭職歸田軍士聞之如乳兒之失慈母均以沉寃未報當自圖之爲言倘使藍都督解組而去實無人可以駕馭萬一潛伏各軍自出復仇實非颺翮等所能勸阻特此聯名電懇切勿任藍都督竟浩然而去倘實無可挽留亦乞商令藍都督將死者如何撫恤生者如何保全已集軍士如何交替潛伏各軍如何彙集統爲安置妥協以固人心否則死者無以瞑目生者無以爲生飢寒所迫挺而走險颺翮實不能任其咎尙乞袁大總統有以善處之不勝幸甚關外義勇軍總司令官吳鵬翮統制官劉永和第一混成協統凌翹第二協統張愷及同志蕭恭寅孫其翼等暨軍士一萬人同叩藍代皓

(烟台來電六十四)

孫大總統唐總理均鑒教育總長前電擬以范源廉充任茲據其回京面稱自維才力萬難勝任蔡鶴卿先生學望優隆衆所仰佩今民國初建必得爲學界殷望之人方足負主持學務之責務乞設法慰留云云詞意堅摯並云已面達孫大總統刻下統一政府云待

成立蔡君在京時曾商請其續任未荷允諾今范既堅辭鄙意以蔡君接續此任最爲允洽如承同意望卽就近懇商留任交院速定是所切盼世凱禱

(北京來電六十五)

孫大總統交通部電悉郵票事飭據郵政總局復稱帛黎全爲省費起見等語已由郵部飭知郵局將此項郵票卽日停發矣袁世凱禱

(北京來電六十六)

孫大總統鑒今日漢冶萍開股東會全場一致反對合辦茲將致盛電錄呈鈞鑒電文曰今日開股東會到會股東四百四十人共二十萬八千八百三十八股投票開會公同驗視全場一致反對合辦已逾公司全股十分之八照章有議決之權草約同自無效請速取消云云漢冶萍股東會公電

(上海來電六十七)

南京大總統鈞鑒頃接烟台電錄如下南京參議院各省都督府暨臨時議會均鑒本會完全成立以後昨日第一次開會全體補行正式公舉以胡瑛爲山東都督濟南各團體已爲煌官勒令消滅此後除烟台臨時議會外如有濟南發電關於全體名義者皆張撫偏冒本會決不承認特此併聞山東全省臨時議會叩銑印等因觀此電則不受政府命令各省將自爲風氣矣鎮芳轉錄


(天津來電六十八)

孫大總統北京新舉袁大總統鈞鑒清江浦蔣都督佳電敬悉江北連年水災現在春荒穀盡遍地餓殍聞之殊爲憫惻桂省匪患頻仍流亡載道困苦情形大畧相同然眷念江北俱屬同胞何忍漠視由榮廷先助千元聊盡棉薄再當設法籌募以爲後繼惟江北災區廣大蔣都督請合力代求大總統撥款拯救爲民請命情迫詞切仰懇大總統俯如所請以廣胞與之仁不勝渴望之至桂都督陸榮廷叩咸

(桂林來電六十九)

孫大總統實業部鑒漢冶萍公司今日開會股東到者四百四十一人投票議決全體反對中日合辦已由股東會電達盛宣懷迅速取消矣特陳熊希齡趙鳳昌叩養

(上海來電七十)



# 告白

## 總統府秘書處廣告

現於本府東西柵門外設立揭示處凡來本府投遞呈件者分別事項量予批答揭示該處以三日爲限過期揭去嗣後凡來本府投遞呈件人等希一體知照總統府秘書處白

## 中華民國實業部附設實業公報簡章

本報爲中華民國實業部之機關報故名曰實業公報

本報以宣布實業法令灌輸實業學識爲宗旨

本報暫定門類如左（無則姑闕）

甲 圖畫

乙 法令

丙 著論

丁 譯述

戊 調查

己 電報

庚 紀事

辛 雜錄

本報爲發展全國實業起見凡外來文稿於實業有關係者當擇要登載酌量酬謝未登

者恕不奉還

本報月出一冊於每月十五日發行

本報每冊暫售大洋一角五分（外部郵費照加）

本報代登各種實業廣告酌量收費

凡與實業有關係之各官署局所學堂公司皆有購閱本報之義務但各官署具印文請領者照五折徵費實業學生聯名請領者十份以上八折五十份以上七折百份以上六折

### 外交部廣告

本部於三月二日遷鼓樓前獅子橋所有電報公文各項函件希按址投遞爲盼

### 臨時政府公報局告白一

各省官廳所有暫行條例命令及職員之任免選轉等項均希隨時抄送本局其地方自治團體辦理公共事業如道路衛生醫院學校救貧等項之經過及其成績亦可隨時抄送本局登載公報藉規地方之情況而彰民治之精神

### 臨時政府公報局告白一




各處有願爲公報販買所者可將領報份數及販買區域本人之氏名年齡職業住所及販買章程呈送本局核定並須酌交保證金其保證之金額由局長定之

### 臨時政府公報局告白三

嗣後各處定閱本報者須將報費逕寄總統府內臨時政府公報局由本局掣取收條卽飭發行所照寄空函定報概不答覆





本報暫定則例

- 一 本報爲臨時政府刊行故定名爲臨時政府公報
- 二 本報以宣布法令發表中央及各地政事爲主旨
- 三 本報暫定門類六曰法制曰咨曰令示曰紀事曰抄譯外報曰雜報其  
子目見前
- 四 本報日出一冊如遇國家紀念日星期日政府停止辦公時本報亦休  
刊一日
- 五 政府對於各地所發令示或宣布法律凡登本報者公文未到以本報  
到後爲有效
- 六 凡各官署皆有購閱本報之義務唯具印文請領者皆照定價五折徵  
納餘另詳前價目表

# 本報白

本報局設在大總統府內

總發行南京花牌樓太平街四號

分售處南京花牌樓吉祥街印鑄局工廠發行所

南京中華報

南京中正街昇平橋易安精舍

## 外埠經售處

鎮江 興漢日報

常州大街老王大昌

無錫光復門內新橋二十一號曾瑞武

蘇州城內因果巷四十一號許宅

上海 民立報

大共和報

時報

申報

新聞報

天鐸報

時事新報

啓民愛國報

神州報

上海寶善街公順里仁和號

蕪湖 民立報分館

廣州 中國日報

香港 軍事報

天津 民意報

舊金山 大同報

中西報

少年報

檀香山 自由新報

印刷所 臨時政府印鑄局工廠